



OPĆINA HADŽIĆI



Besplatan primjerak

INFORMATIVNI BILTEN OPĆINE HADŽIĆI

Hadžići • April 2010. • Broj 12



Svečana sjednica OV Hadžići



Dan nezavisnosti BiH: Kovači



Dan općine Hadžići: Izbor najboljeg sportiste



Sporazum sa regijom Piemonte



***Svečano obilježen 1. mart Dan nezavisnosti
Bosne i Hercegovine i 6. mart Dan općine
Hadžići***



Na osnovu člana 24. Statuta Općine Hadžići /"Službene novine Kantona Sarajevo", broj: 15/09/ i člana 52. Poslovnika Općinskog vijeća Hadžići /"Službene novine Kantona Sarajevo", broj: 15/09/, Općinsko vijeće Hadžići, na 13. sjednici održanoj 31.12.2009. godine, d o n o s i

PROGRAM RADA OPĆINSKOG VIJEĆA HADŽIĆI ZA 2010. GODINU

UVODNE NAPOMENE

U skladu sa Poslovníkom Općinskog vijeća Hadžići, Programom rada se utvrđuju poslovi i zadaci Vijeća, njihov osnovni sadržaj i način izvršenja.

Program rada Općinskog vijeća Hadžići za 2010. godinu obuhvata razmatranje akata koji proizilaze iz djelokruga rada Općinskog vijeća Hadžići, odnosno iz nadležnosti utvrđenih Ustavom Federacije BiH, Ustavom Kantona Sarajevo, Zakonom o lokalnoj samoupravi i posebno Statutom Općine Hadžići i Poslovníkom Općinskog vijeća Hadžići, kao i drugim propisima, uključujući i prenesene nadležnosti Kantona Sarajevo, po pravilu do početka godine.

U pripremi za izradu Programa rada, pribavljena su mišljenja i prijedlozi o pitanjima i temama koja treba unijeti u Program rada od Općinskog načelnika i Općinskih službi, političkih subjekata, kao i drugih organa i institucija sa područja Općine Hadžići*.

Na osnovu prispjelih prijedloga i Programa rada Općinskog načelnika za narednu kalendarsku godinu, te izvršenih konsultacija sa drugim subjektima, Kolegij Vijeća je utvrdio ovaj Prijedlog Programa rada za 2010. godinu i nudi ga Općinskom vijeću na razmatranje i usvajanje.

Programom rada Općinskog vijeća utvrđuju se predlagači i obrađivači pripreme materijala i zadataka, pitanja koja se stavljaju na javnu raspravu i rokovi za razmatranje pojedinih pitanja, kako slijedi:

I - K V A R T A L

1. Izvještaj o radu Općinskog vijeća i njegovih radnih tijela za 2009. godinu;
2. Izvještaj o radu Jedinственог опćinskog organa uprave Općine Hadžići za 2009. godinu;
3. Program rada Jedinственог опćinskog organa uprave Općine Hadžići za 2010. godinu;
4. Informacija o radu Policijske uprave Ilidža – Policijska stanica Hadžići za 2009. godinu;
5. Budžet Općine Hadžići za 2010. godinu – Prijedlog;
6. Odluka o izvršavanju Budžeta Općine Hadžići u 2010. godini – Prijedlog;
7. Informacija o stanju zdravstvene zaštite na području Općine Hadžići
8. Izvještaj o radu Fonda za stipendiranje učenika i studenata «Mehmedalija Hujić» Hadžići;
9. Odluka o dodjeli općinskih priznanja;
10. Informacija o informisanju u Općini Hadžići;
11. Aktivnosti Općinskog vijeća u skladu sa Programom i Planom u pripremi, izradi i donošenju Urbanističkog projekta za „SARA-COMPANY“ i „LATO“, kao i za Regulacioni plan „Bosnić polje“
12. Informacija o radu udruženja registrovanih na području Općine Hadžići;
13. Informacija o korištenju i naplati javnih površina;
14. Informacija o ugroženosti teritorije Općine Hadžići od minsko-eksplozivnih i neeksplozivnih ubojitih sredstava;
15. Informacija o unutrašnjoj organizaciji i stanju kadrova Jedinственог опćinskog organa uprave;
16. Informacija o stanju kulture u Općini Hadžići
17. Izvještaj o radu KSIRC-a Hadžići za 2009. godinu;
18. Informacija o radu Kantonalne veterinarske stanice Sarajevo za Općinu Hadžići u 2009. godini;
19. Svečana sjednica Općinskog vijeća povodom 6. marta – Dana Općine;

II – K V A R T A L

20. Izvještaj o radu Pravobranilaštva Kantona Sarajevo u 2009. godini za Općinu Hadžići;
21. Informacija o aktivnostima KJKP «RAD» za 2009. godinu i Plan aktivnosti za 2010. godinu;
22. Informacija o aktivnostima ZOI-84 za 2009. godinu i Plan aktivnosti za 2010. godinu na području Olimpijskih planina Igman i Bjelašnica



23. Informacija o aktivnostima "Elektrodistribucije" za 2009. godinu i Plan aktivnosti za 2010. godinu;
24. Izvještaj o izvršenju Budžeta Općine Hadžići za period 01.01. – 31.12.2009. godine
25. Informacija o izvršenju Budžeta Općine Hadžići za period 01.01.- 31.03.2010. godine;
26. Izvještaj o radu JKP «Komunalac» Hadžići za 2009. godinu i Plan aktivnosti za 2010. godinu;
27. Informacija o radu KJKP «GRAS» Sarajevo na području Općine Hadžići za 2009. godinu;
28. Informacija o radu JKP «Toplane» Sarajevo za 2009. godinu i Plan aktivnosti za 2010.g.;
29. Informacija o aktivnostima JKP «Sarajevogas» Sarajevo za 2009. godinu i Plan aktivnosti za 2010. godinu;
30. Informacija o ostvarivanju socijalne zaštite na području Općine;
31. Informacija o ostvarivanju dječije zaštite i zaštite civilnih žrtava rata;
32. Informacija o stanju u oblasti bespravne gradnje na području Općine Hadžići;
33. Informacija o zimskom održavanju puteva na području Općine Hadžići
34. Informacija o postupku i rezultatima recertifikacije sistema upravljanja kvalitetom po novoj normi ISO 9001:2008;
35. Informacija o stanju poljoprivrede u Općini Hadžići;
36. Informacija o zapošljavanju i samostalnom privređivanju i privredi Općine Hadžići;
37. Odluka o cijenama Komunalnih usluga iz djelatnosti JKP „Komunalac“ d.o.o Hadžići

III - K V A R T A L

38. Informacija o stanju mladih i sporta na području Općine Hadžići;
39. Informacija o aktivnosti na provođenju LEAP-a;
40. Informacija u oblasti komunalne inspekcije na području Općine Hadžići
41. Izvještaj o izvršenju budžeta Općine Hadžići za period 01.01. - 30.06.2010. godine;
42. Informacija o toku i preduzetim aktivnostima na izradi Strategije razvoja Općine Hadžići za period 2010 – 2014. godine;

IV – K V A R T A L

43. Informacija o uspjehu u učenju i vladanju učenika osnovnih i srednje škole na području Općine Hadžići, na kraju školske 2009/2010. g. i upis na početku školske 2010/2011. godine;
44. Informacija o izvršenju Budžeta Općine Hadžići za period 01.01. – 30.09.2010. godine;
45. Informacija o stanju u oblasti boračko-invalidske zaštite, položaja članova šehidskih porodica i porodica poginulih boraca, RVI i demobilisanih boraca;
46. Informacija o radu mjesnih zajednica;
47. Budžet Općine Hadžići za period 2011 - 2013. godinu - Nacrta;
48. Svečana sjednica Općinskog vijeća Hadžići povodom obilježavanja 25. novembra – Dana državnosti BiH;
49. Odluka o izvršavanju Budžeta Općine Hadžići za 2011. godinu -Prijedlog;
50. Budžet Općine Hadžići za 2011. godinu - Prijedlog;
51. Program rada Općinskog vijeća Hadžići za 2011. godinu - Prijedlog;
52. Svečani prijem Općinskog načelnika i predsjedavajućeg Općinskog vijeća;

Općinsko vijeće će razmatrati i sve prijedloge odluka i rješenja i drugih propisa koji proizilaze iz Zakona i Statuta Općine i druge akte od značaja za ostvarivanje lokalne samouprave, kao i sva druga aktualna pitanja koja nametne aktualna politička praksa, i izvještaje o realizaciji zaključaka Općinskog vijeća i odgovore na vijećnička pitanja.

Nosioci priprema materijala dužni su da materijale koje predlažu Vijeću, dostave Stručnoj službi za poslove Općinskog vijeća i Općinskog načelnika u dovoljnom broju primjeraka (55) najkasnije do 10. datuma u mjesecu u kojem se planira razmatranje.

Ovaj program rada Općinskog vijeća dostavit će se svim nosiocima priprema materijala i političkim subjektima koji participiraju u Općinskom vijeću, a objavit će se i u Biltenu Općine Hadžići, kao i na web stranici: www.hadzici.ba

Broj:01-01.2-9930/09.
Hadžići, 31.12.2009.g.

PREDSJEDAVAJUĆI
OPĆINSKOG VIJEĆA HADŽIĆI

Jazid Bajrić



13. sjednica Općinskog vijeća Hadžići



Trinaesta sjednica Općinskog vijeća Hadžići održana je u četvrtak 31. decembra 2009. godine. Sjednici Općinskog vijeća prisustvovalo je 24. vijećnika, dok Adnan Čomor nije bio prisutan, ali je pravdao svoj izostanak. Pored vijećnika sjednici Vijeća su prisustvovali: Hamdo Ejubović, Općinski načelnik sa pomoćnicima i saradnicima, i predstavnici sredstava informisanja (TV SA i MTV „Igman“). Sjednicom su predsjedavali: Jazid Bajrić, predsjedavajući i Hajrija Ejubović sekretar OV. Predloženi dnevni red koji se sastojao od sedam tačaka usvojen je jednoglasno. Predsjedavajući Općinskog vijeća dao je na raspravu

Prijedlog programa rada Općinskog vijeća Hadžići za 2010. godinu i dao na raspravu Prijedlog izmjena i dopuna Budžeta Općine Hadžići za 2009. godinu.

U ime Kluba vijećnika SDP BiH Mirsad Dupovac, i Nihad Šehić u ime Kluba vijećnika Stranke za BiH izjavljuju da će oni dati podršku Rebalansu Budžeta. Vijećnik Muharem Fišo postavio je pitanje da li predsjedavajući zna da je zasjedala Komisija za Budžet i finansije i je li predsjednik Komisije tu da iznese njihov stav, kao i da smatra da se pred njima nalazi najvažniji dokument jedne lokalne zajednice. Član Komisije za Budžet i finansije Vahid Alađuz je iznio mišljenje da je Budžet realizovan sa 86% što je veoma dobro u odnosu na druge općine u Kantonu Sarajevo. U ime obrađivača Rebalansa Esma Topalović je iznijela mišljenje o razlozima za izradu istog, konstatujući da su to radili u skladu sa Zakonom o Budžetu, koji obavezuje budžetske korisnike da su dužni u toku godine usklađivati svoje Budžete, i da je lično zadovoljna sa ovim Budžetom. Općinski načelnik Hamdo Ejubović ukratko je informisao vijećnike o onome što se dešavalo tokom prošle godine, vezano za Budžet i svemu što je uticalo da Budžet bude takav kakav jeste. Istakao je da je po prirodi oprezan u planiranju, pa je zbog toga i ponudio Budžet tek u martu. Što se tiče problema finansiranja škole, a radi se o potpisanim sporazumima sa nadležnim ministarstvima i ministrima, od kojih mi na kraju nismo imali ništa, zato i ovaj Rebalans. “U vezi održavanja i adaptacije zgrade općine – imali su veću potrebu jer se do sada nije moglo uspostaviti grijanje, uređenje arhive, prokišnjavanje i slično, a u troškove spadaju troškovi održavanja vozila i kompjuterske opreme” – kazao je načelnik. Pitanje poljoprivrede se stalno nameće, a u tu svrhu koriste se tzv. Neobojena sredstva. To su sredstva kojih mi nismo imali.

Nije bilo drugog izlaza nego da se smanji plata 10% i topli obrok za 33%. Ovo stanje osjetili su i drugi projekti, ne samo poljoprivreda i „stezanje kaiša“. Planirana cifra od 1,3 miliona KM za uređenje građevinskog zemljišta nije ostvarena – jer nije bilo nove gradnje i investicija. Općinsko vijeće Hadžići je većinom glasova donijelo odluku o izmjenama i dopunama Budžeta Općine Hadžići za 2009. godinu, i jednoglasno je donijeta Odluka o privremenom finansiranju Općine Hadžići za period 01.01. - 31. 03. 2010. godine, zatim je predsjedavajući Općinskog vijeća dao na raspravu Prijedlog zaključka Vijeća o davanju preporuke za određivanje lokacije za mirno okupljanje, čiji organizator nije poznat. U pripremi zaključka obavljena je konsultacija sa predstavnicima MUP-a i zajednički su analizirali sve lokacije, pa je sa njihovog aspekta i procjene došlo do toga da bi lokacija pijace bila najadekvatnija – kazao je pomoćnik Općinskog načelnika Enes Kazić. Općinsko vijeće Hadžići većinom je glasova donijelo sljedeći Zaključak o davanju preporuke za određivanje lokacije za održavanje mirnih okupljanja čiji organizator nije poznat.

1. OV Hadžići nakon provedene rasprave Vladi Kantona Sarajevo preporučuje lokaciju „Plato iza tržnog centra u Hadžićima“ ul. Hadželi, za održavanje mirnih okupljanja, čiji organizator nije poznat.
2. Zaključak stupa na snagu danom donošenja i dostavit će se Vladi Kantona Sarajevo putem Ministarstva unutrašnjih poslova Kantona Sarajevo. Šesta tačka dnevnog reda bila je Rješenja imovinsko - pravne službe, dok je sedma bila Vijećnička pitanja i odgovori. Kako je iscrpljen dnevni red, trinaesta sjednica Općinskog vijeća Hadžići privedena je kraju.



14. sjednica Općinskog vijeća Hadžići

Održana je u četvrtak 28.02.2010. godine u Sali za sjednice Općine Hadžići sa početkom u 10,00 sati. Sjednici OV prisustvovalo je svih 25 vijećnika. Pored vijećnika sjednici Vijeća prisustvovali su Hamdo Ejubović Općinski načelnik sa pomoćnicima i saradnicima, Šabović Safet načelnik OKP-a IV PU Ilidža, Emir Sijerčić - komandir PS Hadžići, Osman Šabanović – šef odsjeka krim. Policije Hadžići i predstavnici sredstava informisanja (TV SA i MTV „Igman,,). Sjednicom su predsjedavali: Jazid Bajrić – predsjedavajući i Hajrija Ejubović – sekretar OV. Predložen je sljedeći dnevni red:



1. Izvod iz zapisnika sa 13. sjednice Općinskog vijeća Hadžići, održane 31.12.2009. godine
2. Informacija o radu Policijske uprave Ilidža – Policijska stanica Hadžići za 2009. godinu
3. Izvještaj o radu OV i njegovih radnih tijela za 2009. godinu
4. Izvještaj o radu Jedinog općinskog organa uprave Općine Hadžići za 2009. godinu
5. Rješenja imovinsko – pravne službe
6. Vijećnička pitanja i odgovori

Predloženi dnevni red usvojen je jednoglasno. Predsjedavajući Općinskog vijeća Hadžići dao je riječ Sijerčić Eminu – komandiru Policijske stanice Hadžići da podnese uvodne napomene o informaciji o radu Policijske stanice Hadžići za proteklu godinu. Sijerčić je komentarisao date podatke u Informaciji o zakonitosti o radu policije, provođenju zakona o javnom redu, Odluku o radnom vremenu, Zakonu o nabavljanju, držanju i nošenju oružja i municije, sigurnosti saobraćaja na putevima, kao i o materijalnoj opremljenosti i uslovima rada policije u Hadžićima, te da je bezbjedonosna situacija na području koje pokriva ova Policijska stanica Hadžići na zadovoljavajućem nivou. Načelnik OKP-a Safet Šabović iznio je kraće napomene o sistematizaciji radnih mjesta, kojom su dobili dva nova pomoćnika komandira, a krim. – odjeljenje vraćeno u Hadžiće sa više izvršioaca u ovom Odsjeku, što je rezultiralo rješenost predmeta sa 70,35% iz oblasti krivičnih djela. Vahid Aladžuz je istakao da ga raduje činjenica da je policija u prošloj godini svoj rad zasnivala na prisnoj saradnji - komunikaciji s građanima, kao da je zadovoljan da se Odluka o javnom redu i miru počela primjenjivati koju je donijelo OV. Mujo Ibrica je iznio stav da je Vijeće davno konstatovalo da uslovi rada policije nisu adekvatni. Što se tiče parking mjesta kod „Hoše,, Muharem Fišo predlaže da se urgira kod Ministarstva unutrašnjih poslova, da se što prije završi izgradnja zgrade za PS i preda u upotrebu. Muhamed Čović čestita službenicima Policijske uprave Ilidža i PS Hadžići na izuzetnim rezultatima u protekloj godini i sugeriše da policija u noćnim satima vrši češće kontrolu nad novo izgrađenom igralištu kod OŠ „6. mart,,. Općinsko vijeće je jednoglasno prihvatilo informaciju o radu Policijske uprave Ilidža - PS „Hadžići,, za 2009. godinu. Općinsko vijeće je, također, jednoglasno prihvatilo Izvještaj o radu Općinskog vijeća i njegovih radnih tijela za 2009. godinu, kao i Izvještaj o radu Jedinog općinskog organa uprave Općine Hadžići za 2009. godinu. Što se tiče rješenja imovinsko-pravne službe, Predsjedavajući OV Hadžići dao je na raspravu prijedlog rješenja, kojim se ne prihvata ponuda ranijeg vlasnika Savić Vojne za preuzimanje gradskog građevinskog zemljišta, označenog kao k.č.1109, površine 811m², k.o. Pazarić. Kada se radi o 5. tački dnevnog reda - vijećnička pitanja i odgovori, Ramiz Dupovac je bio zabrinut zašto nema odgovora na vijećničko pitanje vezano za parkiralište i kombi stajalište kod „Hoše,, neovisno što je o ovome vođena rasprava u okviru Informacije PS Hadžići. Načelnik Ejubović je odgovorio da će se dati odgovor kada dobiju potrebne informacije od nadležnih institucija, jer su sada u procesu rješavanja ovog problema. Muharem Fišo je komentarisao odgovor na pitanje vezano za opremljenost Vatrogasne brigade i konstatovala da je tehnička opremljenost brigade veoma loša. Obzirom da je dnevni red 14. sjednice OV Hadžići iscrpljen, predsjedavajući Vijeća je zaključio rad iste.



15. sjednica Općinskog vijeća Hadžići

U četvrtak 25. februara 2010. godine održana je 15. sjednica Općinskog vijeća Hadžići. Sjednici Općinskog vijeća prisustvovalo je 23 vijećnika, dok su odsutni bili Šehović Vesna i Čomor Adnan, ali su oni pravdali svoje odsustvo. Pored vijećnika sjednici Vijeća prisustvovali su: Hamdo Ejubović - Općinski načelnik sa pomoćnicima i saradnicima, Sena Softić - Taljanović - predstavnik Zavoda za hitnu medicinsku pomoć, Slobodan Trninić - direktor JU Doma zdravlja Kantona Sarajevo, dr. Ekrem Zorlak - direktor Doma zdravlja - Organizaciona jedinica Hadžići, dr. Murat Đuderija - predstavnik Zavoda za zaštitu žena i materinstva OJ Hadžići, Ibrahim Maksumić - predsjednik Općinske izborne komisije, Kemal Tufo - predsjednik Komisije za odlikovanja i općinska priznanja, Samir Imamović - predstavnik OSCE-a i predstavnici sredstava informisanja (TV SA i MTV „Igman“). Sjednicom je predsjedavao Jazid Bajrić - predsjedavajući OV Hadžići. Dnevni red se sastojao od osam tačaka koji je jednoglasno usvojen. Nihad Šehić primjećuje da se sada razmatra Zapisnik sa 14. sjednice OV Hadžići, a na prethodnoj sjednici su imali Izvod iz zapisnika. Mirsad Dupovac misli da je zapisnik iscrpniji i sugerše da se više pažnje obrati na gramatičke greške, dok je Hajrija Ejubović odgovorila da je po novom Poslovniku Općinskog vijeća Zapisnik, a ne Izvod iz zapisnika i da će tako biti ubuduće. Pomoćnik Općinskog načelnika Izet Koro istakao je da je Općinska služba kao obrađivač Informacije nastojala da od svih subjekata koji pružaju zdravstvenu zaštitu na području Općine Hadžići prikupi određene rel-

evantne pokazatelje vezano za pružanje zdravstvene zaštite na području Općine, projekat da se materijalno i Organizaciona jedinica i zaključak je realizovan bavka jedne stomatološke predana područnoj Ambujedan značajan građevinski ordinacije porodične medi-Hadžići. Vahid Alađuz je formacija o stanju zdravstnaše općine nudi dosta da je stanje u ovoj oblasti materijalnih pretpostavki



za pružanje zdravstvene i kazao kako je je završen finansijski podpomogne Dom zdravlja Hadžići, tako što je izvršena nastolice, koja je svečano lanti Pazarić, i izvršen je zahvat - adaptacija dvije cine u Domu zdravlja istakao da ponuđena Invene zaštite na području pokazatelja koji govore dobro, te obezbjeđenjem za ostvarenje kvalitetne

zdravstvene usluge, kao npr. nabavka medicinske opreme, stomatološke stolice, opremanje ljekarskih ordinacija su pokazatelj kako udruženim snagama možemo postići dobre rezultate. Na domak je i nabavka jednog „kardiomobila“ i obezbjeđenje sredstava za završetak ambulante u Tarčinu. Odgovorne iz javnih ustanova zdravstva Muharem Fišo je upitao na koji način, kojim Zakonom i kojom odlukom je utvrđeno da na nivou Grada Sarajeva ili Kantona naša djeca ne mogu ići na zubnu kliniku i da koriste proteze za ispravljanje zuba, i da na klinici ne mogu otvoriti karton, nego ih vraćaju sa obrazloženjem da sve imamo organizovano u Hadžićima. Na pozitivnim ocjenama o radu Javne ustanove se zahvalio dr. Trninić Slobodan, koji misli da su napravljeni pozitivni pomaci u radu zdravstvene zaštite u Hadžićima. Enes Kazić je izrazio žaljenje što na sjednici nema niko od predstavnika Fonda za stipendiranje učenika i studenata „Mehmedalija Hujić“ i da je najveći dio posla na onima koji servisiraju ovaj Fond. Kemal Tufo, zamjenik predsjednika Komisije za odlikovanja i općinska priznanja upoznao je prisutne o provedenim aktivnostima na utvrđivanju prijedloga za „Šestomartovsku plaketu“ za 2010. godinu. Nihad Šehić je postavio pitanje zašto u Konkursu nije bilo navedeno „Počasno priznanje“. Nezir Kazić smatra da se Pravilnik o dodjeli općinskih priznanja koji je donesen 1996. godine promijeni, i predlaže Vijeću da donese zaključak da se pristupi izradi novog pravilnika. Ibrahim Maksumić predsjednik OIK-a je u kraćim uvodnim napomenama govorio o značaju priprema i provođenju Općih izbora i ciljevima Plana aktivnosti. Na kraju uvodnih napomena zamolio je predstavnike političkih partija da posebnu pažnju posvete prilikom utvrđivanja svojih prijedloga kandidata za biračke odbore, i da vode računa o multietničkom sastavu, da žena bude najmanje 1/3 i da kandidati najmanje imaju srednju školu.



Svečana sjednica Općinskog vijeća Hadžići



Svečana 14. sjednica Općinskog vijeća Hadžići povodom obilježavanja 1. marta - Dana nezavisnosti Bosne i Hercegovine i 6. marta - Dana općine Hadžići održana je 05.03.2010. godine u restoranu „Zujevina“ u Hadžićima. Sjednici su prisustvovali, osim predstavnika izvršne i zakonodavne vlasti Općine Hadžići, i predstavnika boračkih udruženja sa područja općine Hadžići i predstavnici zakonodavne i izvršne vlasti Kantona Sarajevo, predsjedavajući Vijeća i načelnici općina Kantona Sarajevo, predsjedavajući

Vijeća i načelnici Općina Konjic, Kiseljak, i Kreševo, predsjednici parlamentarnih stranaka u Općinskom vijeću Hadžići, zatim predstavnici vjerskih zajednica, direktori javnih ustanova, kao i predstavnici sredstava informisanja. Poslije intoniranja himne Bosne i Hercegovine predsjednik Općinskog vijeća Hadžići Jazid Bajrić otvorio je svečanu sjednicu. Prisutni su zatim proučili Fatihu i minutom šutnje odali počast svim šehidima i poginulim braniteljima Bosne i Hercegovine. „Ovo vrijeme i snijeg me podsjeća na period prije 14 godina kada je bila reintegracija i kada smo se vratili na svoje. Tada nismo imali ništa, dok sada nema kuće koja nema asfaltiranog puta ili pitke vode, projekti se redaju jedan za drugim. Privredni tokovi su usporeni zbog recesije, potencijal u poljoprivredi imamo kao i potencijal u turizmu koji želimo iskoristiti i razvijati. Razvijamo i energetski sektor, i mislim da bi se prve vjetroelektrane mogle završiti na području Ivan sedla. Želim da lokalna zajednica ima koristi od svih projekata i da od ovog prostora napravimo ono što će nam svima biti na ponos“ - istakao je načelnik Ejubović. Na svečanoj sjednici dodijeljene su i općinske nagrade, a ovogodišnji dobitnici „Šestomartovske plakete“ su: Planinarsko Smučarsko društvo „Pazarić“ iz Pazarića - za najznačajnije rezultate u oblasti planinarstva i amaterizma, Mirsad Telarević - za značajna ostvarenja i izuzetne uspjehe u radu postignute u oblasti političkog i društvenog rada, kao i za kontinuiran rad u oblasti sporta, dr. Osman Lihovac - za izuzetna ostvarenja i značajne uspjehe u radu postignute u oblasti političkog i društvenog rada, kao i u oblasti zdravstva, i posebno počasno priznanje dodijeljeno je Musić Fadilu - za značajna ostvarenja i izuzetne uspjehe u humanitarnim aktivnostima. I ovom prilikom svim dobitnicima „Šestomartovske plakete“ čestitamo.





Sjećanje na 1. mart – Dan nezavisnosti BiH i 6. mart - Dan Općine Hadžići

Više od dva miliona Bosanaca i Hercegovaca prije 18 godina na referendumu, koji je organiziran 29. februara i 1. marta dalo je pozitivan odgovor na referendumsko pitanje: Jeste li za suverenu i nezavisnu BiH, državu ravnopravnih građana i naroda Bosne i Hercegovine – muslimana, Srba i Hrvata i pripadnika drugih naroda koji u njoj žive? Na referendumu se 64% građana BiH izjasnilo da želi graditi nezavisnu i suverenu državu BiH. Na bazi tih rezultata Evropska unija i američka administracija prihvatile su nezavisnost BiH, 6. aprila 1992. godine. Tog dana je svijet priznao BiH i s tim datumom je počela agresija na BiH. Bez obzira na probleme s kojim se i danas suočavamo, sigurno je da je 1. mart - rođendan BiH i to je istorijski fakt! Iako ga neki ne podržavaju i negiraju on će u istoriji BiH ostati kao jedan od najsvjetlijih datuma. Predsjedavajući Predsjedništva BiH Željko Komšić i član Predsjedništva BiH Haris Silajdžić organizirali su u zgradi Predsjedništva BiH u Sarajevu svečani prijem povodom 1. marta - Dana nezavisnosti BiH. Prijemu ni ove godine nije prisustvovao Nebojša Radmanović. Svečanu sjednicu održala je Skupština Kantona Sarajevo i Forum parlamentaraca – 1990, dok su u



Domu Oružanih snaga BiH zajedničku svečanu sjednicu organizirali Gradsko vijeće Sarajeva i općinska vijeća gradskih općina. Povodom Dana nezavisnosti BiH položeno je cvijeće na Spomen obilježja u Hadžićima, Pazariću i Tarčinu, a delegacija Općine Hadžići predvođena Općinskim načelnikom Hamdom Ejubović i predsjedavajućim Općinskog vijeća Jazidom Bajrić i delegacijom boračkih udruženja, položila je cvijeće na mezar prvog predsjednika Republike BiH rahmetli Alije Izetbegovića.

Odata počast šehidima i poginulim borcima

Povodom obilježavanja 1. marta - Dana nezavisnosti BiH i 6. marta - Dana općine Hadžići održano je niz aktivnosti, kako bi se na dostojanstven način obilježili jedni od najznačajnijih datuma naše zemlje i općine Hadžići. Delegacija Općine Hadžići predvođena Općinskim načelnikom Hamdom Ejubović, zatim pomoćnikom Općinskog načelnika za boračka pitanja Koro Izetom, pomoćnikom Općinskog načelnika za urbanizam Izmirlić Irhanom, ispred Općinskog vijeća Dupovac Mirsadom, i predsjednikom Udruženja „9. bbr.“ Hadžići vijećnikom Nezirom Kazić posjetili su u četvrtak 04.03.2010. godine mezarje i spomen



- sobu u Pazariću. Polaganjem cvijeća, učenjem Fatihe i minutom šutnje odata je počast



šehidima, sinovima Bosne i Hercegovine koji su dali svoje živote za odbranu i slobodu naše nam jedine Bosne. U svim džamijama na području općine Hadžići proučeni su tevhiidi šehidima i poginulim borcima. Mezarje i spomen



– sobu u Pazariću posjetila je i delegacija Udruženje mladih "4. decembar". Treba istaći da su tog dana delegacije Općine Hadžići i boračka udruženja posjetili i mezarja u Mokrinama i Igmanu položili cvijeće i proučili Fatihu svim šehidima i minutom šutnje odali počast poginulim borcima.



Kulturno - zabavnim i sportskim programom obilježen 6. mart - Dan općine Hadžići

Jahić Aldin najuspješniji sportista u 2009. godini



Prije 14 godina na današnji dan nakon četvorogodišnjeg izgnanstva građani Hadžića vratili su se u svoj grad. Od tog dana, kao Dan općine Hadžići proslavlja se 6. mart. I ove godine je tradicionalno od 7. februara do 6. marta nizom aktivnosti obilježen 1. mart - Dan nezavisnosti BiH i 6. mart - Dan općine Hadžići. Povodom Dana općine Hadžići u prepunoj dvorani Kulturno - sportskog i rekreacionog centra u Hadžićima održao se bogat kulturno - zabavni program, na kom su učestvovali:

Enes Begović, Kemal Hasić, Hasiba Agić, Avdo Lemeš, Ismet Horo i Braća Bluz. Nastupili su i KUD-a: „Ivan planina“ iz Tarčina, „Igman“ iz Hadžića, „Bjelašnica“ iz Pazarića i „Mladi metalac“ iz Hadžića koja su zajedno izveli premijerno igre i napjeve iz Hadžića i okoline, i dobili od svih prisutnih gromoglasan aplauz. Kroz svečanu manifestaciju vodio nas je prepoznatljivi Enver Šadinlija. Održano je i proglašenje najboljeg sportiste Općine Hadžići za 2009. godinu. Najuspješniji sportista u 2009. godini proglašen je Jahić Aldin - član atletskog kluba „Bosna“ Sarajevo, najuspješnija sportašica je Japalak Semra - član taekwondo kluba „Zlatni ljiljani“ Hadžići, najuspješniji sportaš invalid je Mevludin Šarić - Divac - član kluba SID „Igman“ Hadžići, najuspješniji trener u 2009. godini je Ahmet Dilek taekwondo klub „Zlatni ljiljani“ Hadžići, dok je za najbolji klub u 2009. godini proglašena juniorska ekipa FK „Radnik“ Hadžići. Najperspektivniji sportaši i





sposrtašice u 2009. godini su: Elmedin Čekrlija - član taekwondo kluba „Zlatni ljiljani“ Hadžići, Alen Bahić - član taekwondo kluba „Zlatni ljiljani“ Hadžići, Eldin Horman - član taekwondo kluba „Zlatni ljiljani“ Hadžići, Sanela Šarić - član taekwondo kluba „Zlatni ljiljani“ Hadžići, Samir Muhibić - član taekwondo kluba „Zlatni ljiljani“ Hadžići, Amar Bratić - član streljačkog kluba „Igman“ Hadžići, Emir Durmo - član streljačkog kluba „Igman“ Hadžići, Semir Hodžić - član streljačkog kluba „Igman“ Hadžići, Jasmin Fatić - član streljačkog kluba „Igman“ Hadžići, Hidajet Ramić - član atletskog kluba „Sarajevo“ Sarajevo, Azra Hannah Boydell - član atletskog kluba „Bosna“ Sarajevo i Šejla Merdanović - član smučarskog kluba „Željezničar“ Sarajevo. Medalje i diplome nagrađenim sportistima uručio je načelnik Hamdo Ejubović. Prethodnih dana održane su i sportske aktivnosti: turnir u malom nogometu, stonom tenisu, takmičenje u veleslalomu,



rukometna utakmica, kao i sedmo tradicionalno takmičenje u streljaštvu i pikadu u povodu Dana općine Hadžići i 8. marta Dana žena, a u organizaciji Streljačkog kluba „Igman“ Hadžići. U muškoj konkurenciji najbolji je bio Fikret Smajlović, a u ženskoj Kadira Nukić iz Tuzle. Ekipno prvo mjesto za muškarce pripalo je SK „Maglaj“ dok je ekipno za žene prvo mjesto zauzeo SK „Tuzla“ iz Tuzle, a u pikadu prvo mjesto osvojila je Hedija Efendić iz Novog

Grada Sarajevo. Najuspješniji strijelac žena u 2009. godini u BiH je Aiša Gogić iz Tuzle. Prije početka takmičenja svi učesnici i gosti položili su cvijeće na šehidski i partizanski spomenik ispred OŠ „6. mart“ Hadžići, zatim spomenik ispred Hoše Comerc i spomenik Kovačevićima, proučili Fatihu i minutom šutnje predali rahmet i počast poginulim borcima. Otvorenje turnira održano je u atriju škole uz prisustvo svih takmičara i gostiju, a predstavnici SDP Kantona Sarajevo i Hadžića su svim ženama sportistima uručili cvijeće i čestitali 8. mart Dan žena. U malom nogometu u finalnoj utakmici sastali su se ekipa MZ Trzanj i PS Hadžići, u kojoj je ekipa MZ Trzanj ubjedljivo savladala PS Hadžići rezultatom 7:2. Najbolji igrač je Kazić Nihad iz ekipe MZ Trzanj, prvi strijelac turnira je Selimović Mirza iz PS Hadžići, a titula najboljeg golmana pripala je Mehremić Ibrahimu iz MZ TRzanj. U stonom tenisu za seniore učestvovalo je 14 takmičara, a prvo mjesto osvojio je Mutevelić Faruk, drugi je bio Šarić Suad, dok je treće





mjesto pripalo Crnovršanin Alminu. U stonom tenisu za OŠ učestvovalo je 16 takmičara, prvi je bio Sadiković Damir, drugi Merdanović Adnan, a treće mjesto zauzeo je Popara Dino. Izvanredna organizacija, kulturno - sportski ambijent, sevdalinke, premijerno izvođenje igara i napjeva iz Hadžića i okoline u izvedbi četiri Kulturno - umjetnička društva i dodjela priznanja najboljim sportistima Hadžićima, bili su dokaz kako se na najbolji način obilježio Dan Općine Hadžići, a čestitajući svim

prisutnim Dan Općine o svojim sjećanjima na dan reintegracije kada su se mještani vratili u Hadžiće, govorio je načelnik Ejubović, koji je između ostalog kazao: "Sniježno vrijeme me podsjeća na dan kada smo se prije 14 godina vratili na svoje. Nismo tada imali ništa, dok sada hrabro grabimo naprijed, i nastojimo naše Hadžiće približiti bilo kojem evropskom selu ili gradu u Evropi. Trebamo zasukat rukave i krenuti pozitivno doprinostiti našoj općini, a ne čekati da neko drugi radi za nas". Na kraju manifestacije koja je trajala nekoliko sati, građani su zadovoljni programom napustili Kulturno - sportsko rekreativni centar.

Na Šavnicima održano tradicionalno takmičenje u veleslalomu

Sjećanje na „Tri zlatna ljiljana“

Povodom 6. marta – Dana Općine Hadžići na Šavnicima se održalo tradicionalno takmičenje u veleslalomu „Tri zlatna ljiljana“ u organizaciji SKI kluba „Šavnici“. Takmičenje se održalo u sjećanje na dobitnike najvećih ratnih priznanja: Suada Mehmedića, Zahira Karića i Sretena Lojanicu. U kategoriji teletabisi najbolji je bio Benjamin Kazazović, kod mladih cicibana prvi je bio Almir Šarić, drugi je Adnan Rahmanović, a treće mjesto zauzeo je Dino Kaleta. Kod djevojčica najbolje su bile Maja Kaleta i Almedina Hujić, a u kategoriji starijih cicibana najbolji su bili Mirza Šarić, Hamza Šehić i Enis Kazazović. U kategoriji dječaci 1 najbolji su bili Mirza Šehić, Mirza Karić i Elnes Hujić, dok kod kategorije dječaka 2 treba izdvojiti Šehić Benjamina, Šarić Ajdina i Pločo Almina. Kod djevojčica najbolje su bile Alma Hujić i Belmina Šarić, a među juniorima Nermin Mehić, Denis Hujić i Agan Hujić. U seniorskoj kategoriji najbolji su bili Narcis Hujić, Elvir Kazazović i Senad Dupovac, a među veteranima najbolji je bio Jasmin Hujić, drugo mjesto zauzeo je Smajo Rahmanović i treću poziciju Nihad Reizbegović.





Takmičenje u veleslalomu na Beganijadi kod Pazarića

U Beganovima kod Pazarića održano je otvoreno prvenstvo Hadžića u skijanju, poznatije kao Beganijada. Učestvovalo je više od 100 skijaša, a nadmetanje je pratilo oko 1.000 posjetilaca. Neizvjesno je bilo u svim kategorijama, a treba istaći da je najmlađi skijaš bio Armin Selimović (5 godina) i najstariji Suljo Hujic (63 godine). Kod juniorki (1990. - 1994. godišta) najbolja je bila Amela Selimović (1995. - 1996. godišta), a kod muškaraca Ahdin Pločo. U kategoriji rođenih 1997. - 1998. godine najbolji rezultat imao je Mirza Karić. U kategoriji rođenih 1976. - 1989. godine istakao se Anes Lihovac. Kod djevojčica rođenih 1999. i 2000. godine najbolja je bila Hana Lihovac a kod dječaka Kenan Hujic. Najbolji veteran bio je Elvir Kazazović. Medalje i nagrade uručene su najuspješnijim skijašima.



Tradicionalno obilježen Igmanski marš



U subotu 30.01.2010. godine na Igmanu je obilježena 68. godišnjica Igmanskog marša jedne od najznačajnijih operacija tokom drugog svjetskog rata, u organizaciji Unije antifašista i boraca narodnooslobodilačkog rata Kantona Sarajevo i Općine Hadžići, koja je bila domaćin ovogodišnjeg obilježavanja Igmanskog marša, a okupila je više od 1.500 sudionika, bh građana, raznih boračkih udruženja, boraca iz drugog svjetskog rata, planinara, izviđača i velikog broja omladine. Marš planinara, boračkih udruženja i simpatizera započeo je u jutarnjim satima kada se na Brezovači položilo cvijeće na partizanski spomenik i šehidsko mezarje borcima Armije RBiH. Zatim se formirana kolona uputila u pravcu Mrazišta i Velikog polja, gdje je također položeno cvijeće na partizanski spomenik i šehidsko mezarje. Na Velikom polju minutom šutnje i Fatihom odata je počast Igmanskim borcima iz rata 1992.-1995. godine kao i palim borcima iz 1942. - 1945. godine, a cvijeće na spomenik učesnicima Igmanskog marša položile su delegacije: Kantona Sarajevo, Savez antifašista i boraca Kantona Sarajevo, Prve slavne brigade, Prve proleterske brigade iz Beograda, Udruženje antifašista i boraca NOR-a Konjic, Udruženje antifašista i boraca NOR-a Novi Grad Sarajevo, SDP-a BiH, Udruženje antifašista i boraca NOR-a Vogošća, Udruženje građana i boraca NOR-a Hadžići, delegacija Općine Hadžići i mnogi drugi. Obilježavanje značajnih datuma iz minulog rata, kao i Igmanskog marša, dio je tradicije antifašističke borbe naroda BiH, koji su u oba rata dali svoje živote kako bi svojoj zemlji donijeli pobjedu nad agresorom i njenim građanima osigurali slobodu. Tim povodom je na Velikom polju održan i čas historije, gdje su se prisutnima obratili Fadil Šehić predsjednik Udruženja antifašista i boraca NOR-a, UABNOR



Hadžići i Zdenko Dupančić borac Prve proleterske brigade i jedan od učesnika Igmanskog marša, evociravši uspomene na hrabre borce učesnike Igmanskog marša iz 1942. godine, kada se Prva proleterska brigada našla opkoljena na Romaniji pod jakim njemačkim snagama.. Ovom dostojanstvenom manifestacijom i obilježavanjem legendarnog Igmanskog marša, i ovaj put je odaslana poruka da je Igman simbol odbrane Bosne i Hercegovine. Posjeta Velikom polju i sjećanje na Igmanski marš tekuće godine bila je najveća u posljednjih 20 godina.

Susret načelnika sa borcima Armije BiH i MUP - a



U četvrtak 14.01.2010. godine održano je godišnje druženje Općinskog načelnika Hamde Ejubovića sa borcima Armije Bosne i Hercegovine. U sali Općine Hadžići okupili su se u velikom broju borci, ratni komandanti, dobitnici najvećih ratnih priznanja, predsjednici boračkih udruženja i pripadnici Ministarstva unutrašnjih poslova. Pomoćnik Općinskog načelnika za boračka pitanja Izet Koro selamio je sve prisutne, zahvalio se na velikom odazivu i dao riječ Općinskom načelniku. "Drago mi je da vas vidim u velikom broju, a ovo je prilika da se vidimo međusobno, porazgovaramo i evociramo uspomene na ratne dane i teškoće koje smo zajedno dijelili, ali i da se

sjetimo naših poginulih boraca i proučimo im El-Fatih. Prošla godina je bila izuzetno teška, ali smo ipak uspjeli i pored globalne recesije ostvariti uspješne projekte. Od srca vam se zahvaljujem na dolasku, i pošto je nastupila nova Hidžretska 1431. godina, kao i ova 2010. godina, želim vama i vašim porodicama sve najbolje, kao i mnogo uspjeha u vašim poslovnim projektima" - kazao je Ejubović. Prisutnima se obratio i jedan od ratnih komandanata Nezir Kazić, koji se također zahvalio borcima na velikom odazivu, i kazao kako je ovaj susret još jedan pokazatelj da su bili na pravom putu ratne 1992. godine, te da mu je čast opet biti zajedno sa svojim prijateljima i saborcima. Kratko i uzbuđeno skupu su se obratili i Ibrica Mujo jedan od ratnih načelnika policije, i Avdo Bašić predsjednik Koordinacionog odbora boračkih udruženja. Armija Bosne i Hercegovine nikada nije prihvatila zločin kao svoj ratni cilj. To je najveći uspjeh naše borbe, i zbog toga svi koji smo učestvovali u odbrani BiH možemo s razlogom biti ponosni. Uz prigodno druženje svi prisutni su dobili rokovnike i kalendare Općine Hadžići.

Svečani prijem za privrednike Hadžića

Svečani prijem privrednika iz Hadžića upriličen je u četvrtak 21.01.2010. godine sa načelnikom Općine Hamdom Ejubović. Ovo je tradicionalan susret kada je riječ o obilježavanju praznika i ispraćaju prethodne godine. Općinski načelnik ugostio je privrednike odnosno vlasnike i predstavnike firmi sa područja općine Hadžići, a druženje je počelo obraćanjem Općinskog načelnika i čestitkama prisutnim za uspješno poslovanje i rezultate postignute u 2009. godini, a načelnik je istakao kako su se sastali da se razmijene iskustva i mišljenja, i da ih ujedno izvjesti da je 2009. godina bila godina recesije koja se osjetila i na realizaciji budžeta Općine, ali da se i pored svega otvaraju potencijali za koje se nije ni pretpostavljalo da će se otvoriti, a tu se naročito misli na energetske potencijale. Ispred službe za privredu privrednicima se obratila Esmā Topalović koja ih je obavijestila da je provedena anketa koja pokazuje da je našoj općini zaista potrebno Udruženje privrednika, što je i pokazalo 50 privrednika koji su se izjasnili pozitivno, kako bi se što brže i jednostavnije rješavali problemi. "Općina je uvijek podržavala formiranje raznih udruženja pa ćemo tako i ovo naše buduće Udruženje privrednika. Nadam se da ćemo ovim osnivanjem biti jedno moćno udruženje s kojim ćemo odlučno ići prema EU" - kazala je Topalović. Na kraju ovog susreta predložen je Inicijativni odbor od sedam članova: Vatrenjak Enver, Šuvalija Edin, Drndo Alma, Čelik Mirza, Vatrić Nijaz, Dupovac Mirsad i Pašić Salko. Koordinator Odbora bit će Drndo Alma, a Inicijativni odbor će preuzeti poslove oko pripreme potrebnih akata za osnivačku skupštinu Udruženja privrednika naše općine.





Penzioneri Općine Hadžići na prijemu kod načelnika



uručio i skromnu hediju od 100 KM.

Kraj kalendarske 2009. godine prilika je za sumiranje postignutih rezultata, odavanje priznanja onima koji su u toj godini svojim angažmanom na najbolji mogući način promovisali našu općinu, ali i da se ne zaborave oni koji su nekada radili u Općini, a sada su zaslužni penzioneri. Općinski načelnik Hadžići Hamdo Ejubović ugostio je na prijemu sedam penzionera općine Hadžići, a oni su: Čović Safet, Kajmović Hamdo, Birk Vesna, Šehović Fadil, Bašić Sabrija, Šehić Haša i Abazović Ramiz. Uz lijepo i tradicionalno druženje sa penzionerima koji su svoj radni vijek proveli u Općini, načelnik im je

“Dom zdravlja” Hadžići - područna ambulanta Pazarić dobila novu stomatološku stolicu, a dvije nove ordinacije porodične medicine otvorene u “Domu zdravlja” Hadžići



U srijedu 10.02.2010. godine potpisan je ugovor o darovanju jednog stomatološkog stroja – fiziološke stolice za pacijente (25.798,50 KM) između Općine Hadžići koja je zastupana po Općinskom načelniku Ejubović Hamdi, dipl.ing.maš. i „BOLETUS“ D.O.O. Sarajevo sa sjedištem u Hadžićima, Binježevo bb, koja je zastupana po direktoru Pašić Salki i JU „Domovi zdravlja“ Sarajevo, sa sjedištem u Sarajevu, Vrazova 11, a zastupana po Direktor prim.mr.med.sci.dr Trninić Slobodanu. Treba istaći da su nabavku sufinansirali Općina Hadžići i „BOLETUS“ D.O.O. Sarajevo, putem zajedničkog obezbjeđenja sredstava.

Nova fiziološka stolica će doprinijeti da u područnoj ambulanti u Pazariću usluga pacijentima bude znatno kvalitetnija, a sami pacijenti i građani sigurni u kvalitet koji im se nudi. Zatim su se ugovorne strane uputile u „Dom zdravlja“ Hadžići gdje su u centralnom objektu otvorene dvije ordinacije porodične medicine, a koju je sufinansirala, adaptirala i rekonstruisala Općina Hadžići. Kako je naglasio načelnik Ejubović, sve se radi u cilju poboljšanja kvaliteta pružanja zdravstvenih usluga građana Općine Hadžići, i da je ovo samo još jedan u nizu projekata općine, jer ubrzo sli-



jede novi projekti koji će građane naše općine učiniti još zadovoljnijim. “Nove ordinacije će sada biti i konačno rješenje jer se u novim ordinacijama porodične medicine može vršiti kvalitetan pregled naših građana, a uz kvalitetno osoblje građani naše općine mogu biti sigurni, jer će im se na najbolji mogući način uz nove prostorije pružiti i kvalitetna usluga” - istakao je načelnik Ejubović. Idemo dalje!



Potpisan sporazum između Općine Hadžići i regije Piemonte



Italijanska delegacija – regija Piemonte u subotu 16. januara 2010. godine posjetila je Općinu Hadžići. Tom prilikom delegacija iz Italije sastala se sa Općinskim načelnikom Hamdom Ejubović, zatim



je u veoma ugodnoj atmosferi prisustvovala prezentaciji projektnog prijedloga „Pećina Megara“ - turistički održiv proizvod, gdje se na obostrano zadovoljstvo potpisao sporazum o saradnji između Općine Hadžići i regije Piemonte, koji sadrži konačni projektni obrazac sa detaljno izloženim aktivnostima, termin planom, budžetom, načinom realizacije, administrativnim i finansijskim upravljanjem, za što je direktno nadležna Općina Hadžići. Regija Piemonte je odabrana za vođu projekata iz Vertikalne Akcije 2B Programa, pod nazivom „Razvoj agroturizma u planinskim područjima BiH“ kojim se predviđa realizacija aktivnosti u osam bh općina među kojima je i Općina Hadžići, a regija Piemonte se obavezuje da obezbijedi potrebna finansijska sredstva koja

su predviđena za realizaciju pomenutog projektnog prijedloga, nakon što projekat bude odobren. Lokalitet projekta „Megara“ se zbog loših vremenskih uslova nije obišao, ali su se obje strane dogovorile da se u junu 2010. godine, kada Italijanska delegacija bude opet u posjeti našoj općini, lokalitet „Megara“ obiđe u znatno boljim vremenskim uslovima, a projekat „Megara“ će sigurno doprinijeti da se Općina Hadžići još više promoviše u respektabilnu turističku općinu, od koje će najviše koristiti imati njeni žitelji.



Investitorima olakšan posao prije kupovine zemljišta

Nakon donošenja i usvajanja Prostornog plana Kantona Sarajevo za period 2003. godine do 2023. godine Zavod za planiranje razvoja Kantona Sarajevo kao nosilac izrade ovog plana uspostavio je stalnu vezu za razmjenu digitalnih podataka vezanih za prostorno planiranje između svih općina Kantona Sarajevo, pa tako i sa Općinom Hadžići. U Općinskoj službi za prostorno uređenje, urbanizam i građenje Hadžići, može se dobiti informacija o namjeni površina svake katastarske čestice u obuhvatu predmetnog plana. Ova informacija je veoma značajna za sve buduće investitore da ne bi došli u situaciju da su obavili kupovinu zemljišta na kome nije dozvoljeno građenje ili nije u skladu sa njihovim potrebama odnosno idejama zbog kojih su kupovali zemljište. U Općinskoj službi za prostorno uređenje, urbanizam i građenje budući investitori i vlasnici parcela mogu dobiti uvid u važeću provedbenu plansku dokumentaciju: Regulacione planove, Urbanističke projekte i uvid u idejno rješenje koridora V-C koji prolazi kroz našu općinu. Informacije koje će doprinijeti lakšoj realizaciji ideja investitora mogu se dobiti svakog radnog dana od 9 – 15 sati u sobi broj šest (prizemlje), tako da će investitori i vlasnici zemljišta lakše pronaći najekonomičniji način korištenja zemljišta.





Vlasnici zemljišta bez naknade, vrše prenos prava na zemljištu

Pred Općinskom službom za imovinsko pravne poslove i katastar nekretnina, vode se postupci prenosa i prava na zemljištu koje pokriva put Tarčin - Budmolići. Zemljište je ranije u postupcima eksproprijacije koji su vođeni u toku 1986. i 1987. godine bilo eksproprijirano u svrhu izgradnje puta, te isplaćena naknada za zemljište ranijim vlasnicima. Kako gruntovni prenos prava na zemljištu nije izvršen, a u ratu je otuđena dokumentacija

vezana za postupke eksproprijacije, raniji vlasnici zemljišta su samoinicijativno izrazili volju da izvrše prenos prava na zemljištu putem nadležne općinske službe, davanjem izjava o prenosu prava na zemljištu, bez naknade. Izjavu o prenosu prava na zemljištu bez naknade, pred Općinskom službom za imovinsko pravne poslove, geodetske poslove i katastar nekretnina, dali su sljedeći raniji vlasnici, odnosno

suvlasnici zemljišta: Jasika Edina, Jasika Merima, Jasika Ramiza, Japalak Muharem, Jasika Edhem, Japalak Edhem, Jasika Halid, Jasika Zijada, Jahić Sadika, Jasika Vejsil, Čičko Ahmed, Hodžić Vejsil, Japalak Zaim, Čičko Vejsil, Čičko Alija, Čičko Senaid, Džeko Jasmina, Džeko Ramiz, Jasika Mustafa, Japalak Adem, Čičko Avdo, Japalak Muhamed, Čičko Atif, Japalak Sulejman, Džumbas Nijaz i Jasika Asim.

Pilot projekat ugradnje individualnih mjerača toplotne energije

Jedan od osnovnih preduslova povećanja energetske efikasnosti kod krajnjeg potrošača ostvaruje se ugradnjom sistema individualnog mjerenja utroška toplotne energije. Na taj način krajnji korisnici imaju punu kontrolu i uticaj na troškove grijanja. Promocija i dokazivanje koristi od ovog sistema mjerenja i naplate prva je faza ka prelazu na novi sistem naplate, koji je u skladu sa evropskom i zakonskom regulativom. U tom cilju Toplane Sarajevo, ITM Controls i Centar za energetske efikasnosti Sarajevo nekoliko godina aktivno saraduju na projektima promocije mjerenja i naplate toplotne energije prema stvarnoj potrošnji. Na području Općine Hadžići u decembru 2009. godine završena je implementacija pilot projekta ugradnje kumulativnog i individualnih mjerača toplotne energije na stambenom objektu u ul. Hadželi 69 u Hadžićima. Kontakt: www.itm.ba; Tel: 061 130 938



Rahmana Kolenda izdala svoju drugu knjigu “Sreća se osmijehom piše”, a Ajla Bužo svoj prvijenac “Duginim stazama”



U prostorijama multimedijalne sale na Ilidži učenica VII-og razreda OŠ “Hilmi ef. Šarić” iz Tarčina Rahmana Kolenda promovisala je u četvrtak 18.03.2010. godine svoju drugu dječiju knjigu poezije “Sreća se osmijehom piše”. Promotori su bili: Ljubivoje Ršumović, Enes Kišević i Tode Nikoletić, dok je u petak 26.03.2010. godine Atriju OŠ “6. mart” u Hadžićima učenica osmog razreda OŠ “6. mart” Hadžići Ajla Bužo promovisala svoju prvu knjigu “Duginim stazama”. Rođena je 12.06.1995. godine u Pazariću. Pjesme i priče piše od četvrtog razreda. Promotori knjige su bili književnici Mirsad Bećirbašić i Fuad Kovač i nastavnici Eldina Matoroga i Jusuf Avdić.



Na osnovu odluke o dodjeli stipendija učenicima i studentima od 25.01.2010. godine, te Odluke o dopuni Odluke o dodjeli stipendija učenicima i studentima od 28.01.2010. godine - Upravni odbor općinskog fonda "Mehmedalija Hujić" je za školsku 2009/2010. godinu dodijelio stipendije sljedećim studentima i učenicima:

STUDENTI

R/B	PREZIME (očevo ime) I IME	FAKULTET
Prva godina		
1	Dupovac (Miralem) Zijad	Mašinski
2	Murselović (Adil) Emina	Filozofski - hitorija
3	Maksumić (Nedžad) Semir	Poljoprivredni
4	Fejzović (Jakub) Ena	Ekonomski
5	Strukan (Suvad) Amir	Stomatološki
6	Kalem (Đevdo) Arnel	Filoofski - sociologija
Druga godina		
1	Čaušević (Šemsa) Anela	Pedagoški - raz.nastava
2.	Husanović (Bajazit) Irma	Filozofski - psihologija
3.	Hodžić (Ševko) Alma	Filozofski - psihologija
4.	Hodžić (Hakija) Elma	Filozofski - komp.knjiž.
5.	Žuža (Jelica) Milijana	Pedagoški - raz.nastava
6.	Jasika (Derviš) Nadira	Elektrotehnički
Treća godina		
1	Baljić (Šefik) Armin	Elektrotehnički
2	Kruškić (Mirsad) Azra	Filozofski - filoz.-sociol.
3	Suljkić (Hamida) Hanka	FPN - sociologija
4.	Palalija (Enver) Haris	Ekonomski
5.	Bašić (Ćamil) Mirza	Medicinski
6.	Hamzić (Hamza) Alen	PMF - biologija
Četvrta godina		
1	Čivić (Hamdija) Habiba	PMF - hemija
2	Đafić (Muhamed) Rusmira	DIF - opći smjer
3	Isić (Vezir) Medina	DIF
4	Nuhanović (Faik) Namik	Elektrotehnički
5.	Đelilović (Enver) Aldijana	Stomatološki
6.	Mujanović (Rusmir) Haris	Mašinski
Peta godina		
1	Avdić (Jusuf) Ines	Filozofski - anglistika
2.	Fatić (Mirsad) Mirsada	Filozofski - filoz.-sociol.
3.	Redžić (Mirsad) Nizama	Filozofski - pedagogija
4.	Abazović (Ramiz) Jasmina	FPN - sociologija
5.	Murtić (Uzeir) Raif	Zdravstveni
6.	Tufo (Munib) Amina	Filozofski - pedagogija
Šesta godina		
1	Rizvanović (Firdus) Amira	Medicinski



UČENICI SREDNJE ŠKOLE

R/B	PREZIME (očevo ime) I IME	ŠKOLA	Razred
1	Čajić (Osman) Elmir	Medicinska - farmac.	I
2	Šabanović (Selman) Muharema	Gimnazija Obala	I
3	Okić (Amira) Armen	SŠC - mašinska	III
4	Ismić (Nail) Nazario	SŠC - mašinska	II
5	Karić (Hasan) Zana	Grafička Ilidža	II
6	Preljević (Redžep) Admira	SŠC - gimnazija	IV
7	Odobašić (Fadil) Ajla	SŠC - trgovačka	II
8	Fišo (Nešad) Edina	Veterinarska	I
9	Tufo (Enver) Amel	Elektrotehnička	IV
10	Kadić (Fadil) Azemina	Ekonomska	IV
11	Boja (Mujo) Muamer	Elektrotehnička	IV
12	Aladžuz (Muharem) Naim	SŠC - gimnazija	I
13	Bašić (Bajro) Benjamin	SŠC - gimnazija	I
14	Salkić (Safet) Arnela	SŠC - gimnazija	III
15	Bašić (Suvad) Naida	III Gimnazija	I
16	Madžak (Vehid) Nermina	Medicinska	II
17	Jahić (Mehmed) Enis	Elektrotehnička	I
18	Bečirović (Adem) Melisa	Trgovačka Sarajevo	IV
19	Smajić (Mirza) Emir	Tur.bosanski koledž	II
20	Sakić (Muhamed) Edina	V gimnazija	III
21	Fejzić (Elmin) Amra	SŠC - gimnazija	I
22	Subašić (Mujo) Mirnesa	Medicinska	I
23	Jasika (Đevad) Đana	SŠC - gimnazija	IV
24	Đelilović (Nusret) Kemal	SŠC - gimnazija	II
25	Mehremić (Hidajet) Adi	SŠC - gimnazija	III
26	Čočić (Esed) Emina	GHB Medresa	I
27	Alić (Hadija) Almina	SŠC - građevinska	IV
28	Rizvo (Nihad) Arnel	Elektrotehnička	I
29	Husejnović (Hajrudin) Haris	SŠC - mašinska	II
30	Omerović (Kamil) Elvedina	SŠCVogošća - ekonom	IV
31	Ismailvski (Dželal) Kemal	Mašinska tehnička	I
32	Golubić (Dževahid) Aida	SŠC - gimnazija	II
33	Pajaziti (Kasema) Amina	SŠC - gimnazija	II
34	Vranić (Bakir) Dino	Gimnazija Dobrinja	I
35	Kazić (Nijaz) Amin	SŠC - mašinska	I

Član 2. Visina stipendije za srednjoškolce iznosi 50,00 KM (slovima: pedeset KM), a za studente 100,00 KM (slovima: stotinu KM) mjesečno.

Član 3. Isplata stipendija vršit će se isključivo putem tekućih računa, koje su kandidati ili jedan roditelj malodobnih kandidata dužni otvoriti kod jedne od banaka. Kandidati su dužni donijeti kopiju tekućeg računa (kartice) na uvid u sobi br.101 (računovodstvo).

Isplata stipendija vršit će se mjesečno unazad, u periodu trajanja školske godine.

Član 4. Ova odluka stupa na snagu danom donošenja.



Učenici OŠ „Hilmi ef. Šarić“ razgovarali sa načelnikom Ejubovićem



Povodom takmičenja Gradansko obrazovanje na temu: Odnos učenik - nastavnik učenici OŠ „Hilmi ef. Šarić“ iz Tarčina u utorak 23.03.2010. godine posjetili su Općinu Hadžići i načelnika Hamdu Ejubovića, kao i pomoćnika Općinskog načelnika za opću upravu Enesa Kazića. U veoma ugodnoj atmosferi učenica Ines Bašić postavila je načelniku nekoliko pitanja vezano za temu: Odnos učenik - nastavnik, na koje je načelnik veoma decidno i biranim riječima kazao: „Nastavnici su tu da budu uvijek jednu stepenicu iznad učenika, jer ipak treba znati ko je nastavnik, a ko je učenik. Ako me pitate da li određena predavanja nastavnika utječu na učenikov uspjeh, ne mora biti presudno. Uvijek su postojale razlike u načinu prenošenja znanja na djecu.

Ima primjera da nastavnik loše objasni materiju, a da učenik kasnije odlično odgovori na zadanu temu, i obratno. Ipak većina učenika nije svjesna da im znanje koje steknu u osnovnoj školi treba za dalje školovanje i da mogu voditi normalan i uspješan život“. Uslijedilo je zatim zajedničko fotografiranje, a učenici OŠ „Hilmi ef. Šarić“ zadovoljno su napustili Općinu, uz konstataciju da će im razgovor sa načelnikom biti veoma koristan.

Svečano obilježen Dan OŠ „6. mart“ iz Hadžića



U atriju OŠ „6. mart“ u Hadžićima održana je svečanost povodom 99. rođendana ove škole. Plesom, pjesmom i glumom učenici su pozdravili mnogobrojne goste koji su uveličali ovu svečanost svojim dolaskom. Tokom svečane manifestacije gostima je podijeljen 16. broj školskog časopisa „Behar“ u kojem su svi uspjesi učenika ove škole, kao i druge školske aktivnosti. Treba podsjetiti da je OŠ „6. Mart“ počela sa radom školske 1911/1912. godine kao četverorazredna, pod



nazivom Narodna škola. Po završetku II svjetskog rata je nastavila svoj kontinuitet rada. Stari dio škole sagrađen je 1962. godine, a 1972. godine dograđen novi dio škole zbog povećanja broja učenika. Raspadom SFRJ škola je potpuno devastirana (odvezen je namještaj, učila, dokumentacija, radijatori, krovovi, a niti jedno staklo nije ostalo čitavo u cijeloj školi). Reintegracijom Općine Hadžići 6. marta počelo se i sa obnovom škole. U sastavu škole djeluje i područna škola u Binježevu koja je 2006. godine obnovljena i sanirana donacijom Evropske unije. U svojoj dugogodišnjoj historiji OŠ „6. mart“ postizala je zapažene rezultate u raznim takmičenjima i na raznim nivoima.





Srednjoškolski centar Hadžići proslavio 32. rođendan

Povodom Dana škole Srednjoškolskog centra Hadžići u četvrtak 25.03.2010. godine, u holu škole održana je svečana manifestacija uz prisustvo brojnih gostiju, učenika i nastavnika. Srednjoškolski centar Hadžići osnovan je 1978. godine i danas ovu školu pohađa 810 učenika, a članovi raznih sekcija postižu zapažene rezultate na raznim nivoima takmičenjima. Prije početka zabavno – kulturnog programa 75 učenika ove škole dobilo je diplome za zapažene rezultate u protekloj godini. U okviru svečanosti otvorena su dva nova kabineta, za informatiku i multimedijalni laboratorij (za strane jezike).



Kabinet informatike opremljen je sa novim računarima koji su povezani internetom, gdje se učenici mogu u potpunosti edukovati, dok je u kabinetu za strane jezike postavljeno 12 novih računara, koje profesor može kontrolisati pa je omogućeno interaktivno učenje novih vidova jezika, koji je i osnov komunikacije. Prisutnim gostima obratio se i direktor škole Misim Gegić koji je kazao: „Srednjoškolski centar danas slavi 32. rođendan. Biblioteka i radionica otvorene su na današnji dan prošle godine, dok smo vlastitim sredstvima obnovili kabinet za informatiku i kabinet za strane jezike. Svaki kabinet vrijedan je 12.000 KM. Učenici nam postižu

zapažene rezultate, pa znamo da novootvorena dva kabineta idu u prave ruke. Cilj nam je ići u korak s vremenom i stvarati još bolje uslove i rezultate. Svim prisutnim čestitam Dan škole“. Na ulaznim vratima svim gostima podijeljen je novi broj magazina „Svitanja“ Srednjoškolskog centra Hadžići.



Održana općinska takmičenja osnovnih škola

Fajić Benjamin najbolji iz matematike, a ekipno najbolja OŠ „6. mart“ Hadžići



Na takmičenju iz matematike koje je održano u Tarčinu 20.03.2010. godine prvo mjesto u pojedinačnoj konkurenciji sedmih razreda pripalo je Fajić Benjaminu iz OŠ „6. mart“ iz Hadžića sa osvojenih 67 bodova. Drugo mjesto pripalo je Nišić Esmi iz OŠ „6. mart“ iz Hadžića sa osvojenih 62 boda, dok je treće mjesto pripalo Krbezlija Mirzi iz OŠ „9. maj“ iz Pazarića koji je osvojio 54 boda. Najbolji ekipno bila je OŠ „6. mart“ iz Hadžića sa osvojenih 176 bodova, druga je bila OŠ „Hilmi ef. Šarić“ iz Tarčina sa osvojenih 103 boda, treće mjesto pripalo je OŠ „9. maj“ iz Pazarića sa osvojenih 84 boda dok je četvrto mjesto zauzela OŠ „Zaim Kolar“ iz Trnova sa osvojenih 9 bodova. Svim učenicima

i ekipama koji su se takmičili uručena je nagrada u iznosu od 70 KM za prvo, po 50 KM za drugo, i po 30 KM za treće mjesto. Po Kalendaru Prosvjetno - pedagoškog zavoda organizator svih takmičenja



bila je Općina Hadžići, a suorganizator je bila na takmičenjima koja su se odvijala u Trnovu. Prvo mjesto u takmičenju osmih razreda zauzeo je Žuža Milan iz OŠ "Hilmi ef. Šarić" iz Tarčina, sa osvojenih 75 bodova, drugo mjesto osvojio je Kaleta Rasim iz OŠ "9. maj" Pazarić, koji je osvojio 73 boda, i treći je bio Mekić Kemo iz OŠ "Hilmi ef. Šarić" iz Tarčina sa osvojenih 47 bodova. Kao i kod takmičenja iz drugih oblasti učenici su pokazali zavidan nivo znanja, a posebno učenici iz OŠ "6. mart" iz Hadžića.



Najbolje znanje iz geografije pokazala je Omerbegović Almedina, a ekipno OŠ „Zaim Kolar“ Trnovo



Takmičenje iz geografije održano je u Dejčićima - Trnovo 13.03.2010. godine. Prvo mjesto pripalo je Omerbegović Almedini (52 boda) iz OŠ „Zaim Kolar“ iz Trnova, drugo Ćosić Dalili (48 bodova) iz OŠ „Zaim Kolar“, a treće Kadić Bilalu (45 bodova) iz OŠ „9. maj“ Pazarić. Najbolja ekipno bila je OŠ „Zaim Kolar“ iz Trnova sa 138 osvojenih bodova, drugo mjesto pripalo je OŠ „9. maj“ iz Pazarića, koja je osvojila 125 bodova, treće mjesto zauzela je ekipa OŠ „Hilmi ef. Šarić“ iz Tarčina sa 122 osvojena boda, dok je četvrto mjesto zauzela ekipa OŠ „6. mart“ iz Hadžića sa osvojenih 106 bodova.

Prvo mjesto u informatici pripalo OŠ „Hilmi ef. Šarić“ iz Tarčina

U Pazariću je 06.03.2010. godine u OŠ „9. maj“ održano takmičenje iz informatike. Prvo mjesto pripalo je OŠ „Hilmi ef. Šarić“ iz Tarčina, koja je osvojila 69 bodova, a pobjedničku ekipu su sačinjavali: Haskić Irhad, Čorić Mirza i Smajović Irfan. Druga je bila OŠ „9. maj“ iz Pazarića, koja je osvojila 65 bodova, treća OŠ „6. mart“ iz Hadžića je imala 50 bodova, dok je četvrta bila OŠ „Zaim Kolar“ iz Trnova osvojivši 25 bodova. Pobjednička ekipa zasluženno ide na Kantonalno takmičenje gdje se očekuje da i na tom nivou natjecanja pokaže svoje znanje i vrati se sa jednom od medalja.



Odbojkaši OŠ „6. mart“ iz Hadžića najbolji u muškoj, a odbojkašice OŠ „Hilmi ef.Šarić“ iz Tarčina u ženskoj konkurenciji



Hadžići su bili domaćin općinskom takmičenju osnovnih škola u odbojci, koje se održalo 14.03.2010. godine. U muškoj konkurenciji ekipno je najbolja bila OŠ „6. mart“ iz Hadžića koja je sve tri utakmice riješila u svoju korist i pobijedila ekipu OŠ „Zaim Kolar“ iz Trnova rezultatom 2:0, ekipu OŠ „Hilmi ef. Šarić“ iz Tarčina 2:1 i ekipu OŠ „9.maj“ iz Pazarića rezultatom 2:0. U ženskoj konkurenciji odbojkašice OŠ „Hilmi ef. Šarić“ iz Tarčina pokazale su da su najbolje pobijedivši



konkurentkinje iz OŠ „9. maj“ Pazarić rezultatom 2:0 i odbojkašice OŠ „6. mart“ iz Hadžića identičnim rezultatom 2:0. Glavni sudija bio je Begić Selman, pomoćni Begić Selmin, dok je zapisničar bio Rešidović Amir. Sve utakmice su protekle u fer - play igri, navijači i navijačice su bodrile svoje ekipe, a što je najvažnije takmičenje je proteklo bez ijednog incidenta. Najboljim su uručene medalje, diplome i pehari.



Učenici OŠ „6. mart“ iz Hadžića najbolji iz takmičenja u fizici

Takmičenje iz fizike za sedme i osme razrede održano je u Hadžićima 27.03.2010. godine. Najbolji u pojedinačnoj konkurenciji za sedme razrede bio je Fajić Benjamin (OŠ „6. mart“ Hadžići), sa osvojenih 64 boda, drugi je bio Mušanović Azer (OŠ „6. mart“ Hadžići), koji je osvojio 62 boda, a treća Japalak Amila (OŠ „Hilmi ef. Šarić iz Tarčina“) osvojila je 53 boda. Najbolja u konkurenciji škola bila je OŠ „6. mart“ Hadžići, sa 160 bodova, druga je bila OŠ „Hilmi ef. Šarić“ Tarčin sa 93 boda, treća OŠ 9. maj“ Pazarić, imala je 32 boda, a četvrta OŠ „Zaim Kolar“ iz Trnova osvojila je 26 bodova. Najbolji u takmičenju iz fizike za osme razrede bio je Šemšić Emir (OŠ „6. mart“ Hadžići), sa osvojenih 60 bodova, drugo mjesto zauzeo je Begović Amar (OŠ „6. mart“ Hadžići), sa 59 osvojenih bodova, dok je treće mjesto zauzeo Tucaković

Lutvo iz OŠ „Hilmi ef. Šarić“ iz Tarčina, koji je imao 54 boda. Plasman škola za sedme i osme razrede: 1. OŠ „6. mart“ Hadžići, 2. OŠ „Hilmi ef. Šarić“ Tarčin, 3. OŠ „Zaim Kolar“ Trnovo i 4. OŠ „9. maj“ Pazarić.

Osnovci OŠ „6. mart“ iz Hadžića prvi iz demokratije

U organizaciji Civitasa održano je 27.03.2010. godine takmičenje iz demokratije, a najbolja je bila OŠ „6. mart“ iz Hadžića, druga je bila OŠ „Zaim Kolar“ iz Trnova, treće mjesto zauzela je OŠ „9. maj“ iz Pazarića, dok je četvrta bila OŠ „Hilmi ef. Šarić“ iz Tarčina. Pobjednička ekipa iz Hadžića imala je za temu “Problem rasporeda školskih odmora i raspusta”, ekipa iz Trnova imala je temu “Proizvodimo zdravu hranu”, ekipa iz Pazarića temu “Ishrana u školskim kuhinjama”, dok je ekipa iz Tarčina radila na temi “Odnos između

nastavnika i učenika”.

Školsku ekipu sačinjavalo je osam učenika, a u pobjedničkoj ekipi bili su: Gegić Šejla, Banta Elvsa, Reizbegović Lejla, Džaferović Emina, Bužo Ajla, Imamović Amra, Alispahić Amela i Proha Lejla. Nastavnica je Hasović Zijada. Zadane teme su bile vrlo zanimljive i kroz ovaj projekat učenici bar djelomično mogu uticati na rješavanje problema u njihovoj školi i pripremiti se za život u sredini u kojoj žive i rade.



**Predstavljamo: MZ Mokrine**

Mjesna zajednica Mokrine brojčano i teritorijalno je najmanja mjesna zajednica Općine Hadžići, smještena na njenom zapadnom dijelu geografski vezana za lepeničku kotlinu i graniči se sa kiseljačkom



mjesnom zajednicom Bukovica. U toku agresije MZ Mokrine je bila slobodna teritorija uz prvu liniju odbrane. U njenom društvenom domu je bila smještena kuhinja i sanitet. Bila je utočište i za dobar broj prognanih iz Hadžića, ali i iz sela kiseljačke opštine. Ova MZ je u odbrani BiH dala sedam šehida i ima jednog nosioca najvećeg ratnog priznanja. Što se tiče postratnog razvoja mjesne zajednice, treba istaći da je odmah po okončanju rata urađen asfalni put od Koščana do Mokrina, a nedugo poslije toga uspostavljen je i gradski prijevoz na relaciji Hadžići - Mokrine. S obzirom na tada loše odnose sa hrvatskom komponentom čitava lepenička kotlina sa bošnjačkim stanovništvom je imala samo tu komunikaciju sa

Hadžićima i Sarajevom. Poboljšanjem odnosa i međupolitičkim dogovorima naknadno je uspostavljen gradski prijevoz i na relaciji Ilidža - Mokrine. Od izgradnje tog puta pa do 2004. godine jako malo se ulagalo u MZ Mokrine. Početkom izgradnje mesdžida u Mokrinama 2004. godine i nakon lokalnih izbora MZ Mokrine je krenula sa intenzivnijim razvojem. Mesdžid je 2006. godine stavljen u funkciju u čijoj izgradnji su učestvovali najviše džematlije tog džemata, ali i Općina Hadžići, koja je u nekoliko navrata obezbijedila ukupno 24.000KM. U 2008. godini je izvršeno asfaltiranje starog dijela puta kroz selo u dužini od 570 m. Izvršeno je nasipanje lokalnih puteva za zaseoke Ravne i Gaj, izvršene popravke i nanošenje novog asfalta na putu Koščan - Mokrine u ukupnoj dužini od oko 800 m. U MZ Mokrine je instaliran telefon, kablovska TV i internet, urađena je ulična rasvjeta, izvršena zaštitna ograda, kupljeno zemljište za fudbalsko igralište i zemljište za



proširenje mjesnog greblja i dr. Treba istaći da je Općina Hadžići preko MZ Mokrine pomagala intenzivno nekoliko godina i stanovnike susjedne Bukovice, Zabrdā, i Solakovića. Sve ovo govori koliko se napora čini da se u ovoj udaljenoj MZ stvore uslovi za što kvalitetniji život njenih stanovnika, a sve uz svesrdnu pomoć Općine Hadžići i njenog načelnika Hamde Ejubovića.



Savjet MZ Mokrine čine:

1. Čolo Smajo
2. Korjenić Mirsad
3. Sajnica Inel
4. Sajnica Esad
5. Korjenić Rešad



Udruženje mladih „4. decembar“ Hadžići



Udruženje mladih „4. decembar“ Hadžići je nevladina i neprofitabilna organizacija nastala 1993. godine nakon nesretnog 4. decembra 1992. godine kada je Adnan Došlić, borac Armije BiH iz Hadžića, krenuo put Igmana i svojoj raji ostavio u amanet da mu se ako pogine ne uči tevhid, već da se organizira rok koncert, jer Adnan je silno volio muziku. Udruženje je zvanično registrovano 14. februara 2004. godine. Već dugi niz godina uspješno djeluje na području Kantona Sarajevo a i šire, te broji oko 3000 članova, s tim da se taj broj svakim danom povećava. Udruženje mladih „4. decembar“ je osnovano sa ciljem da:

- Usmjeri omladinu ka pozitivnim životnim tokovima,
- Afirmiše mlade na rad i stvaralaštvo u različitim oblastima života kao što su organizacija sportskih manifestacija, kulturnih, edukativnih i drugih afirmativnih aktivnosti,
- Predstavlja mlade i zastupa njihove interese,
- Saraduje sa drugim omladinskim udruženjima iz BiH i dijaspore.

Udruženje je uspostavilo niz uspješnih saradnji sa Zavodom za djecu i omladinu sa posebnim potrebama iz Pazarića, Udruženjem „Srce za djecu koja boluju od raka u FBiH“, Fondacija „Kрила nade“, Udruženje „Odisej“ Bratunac, „Centar za promociju društva“, Udruženje „Obrazovanje gradi BiH“, Podpredsjednikom Vlade Federacije BiH gosp. Mirsadom Kebom, saradnja sa načelnikom Općine Ilidža gosp. Amerom Čenanović, te velikim humanistom Almirom Čehajić – Batkom, kao i mnogim drugim vladinim i nevladinim predstavnicima. Udruženje je realizovalo niz projekata kao što su: „Glas mladih, glas za budućnost - 2006.“ u saradnji sa nevladinim organizacijama iz Bratunca i Bijeljine uz finansijsku pomoć Norveške. Također je organizovalo dvije dječije igraone „Danas je tvoj dan“, kao i „Djeca pjevaju hitove“ uz dodjelu simboličnih nagrada. Organizovano je niz ekoloških akcija kao i sportskih i edukativnih aktivnosti: StreetBall - turnir u uličnoj košarci, kurs informatike i sl. Ono što je tradicionalno i čime obilježimo kraj godine, kroz koju svakako uvijek prošetamo uspješno, jeste tradicionalni rock koncert „4. decembar - da se ne zaboravi“ u znak sjećanja na sve šehide i poginule borce. Ono na šta smo najviše ponosni za sve godine postojanja Udruženja jeste realizacija niza humanitarnih akcija, a sve sa ciljem pružanja pomoći socijalno ugroženim porodicama Općine Hadžići. Godinu 2010. počeli smo sa nizom uspješnih humanitarnih aktivnosti, a čiji vrhunac je bio koncert „Sve za jedan osmijeh“ održan 25. februara, gdje su članovi Udruženja volonterskim radom učestvovali u realizaciji ovog projekta. Veliku i nesebičnu podršku ovom projektu pružio je i Nazif Gljiva, a Udruženje duguje posebnu zahvalnost načelniku Općine Hadžići Hamdi Ejuboviću kao i federalnim, kantonalnim i općinskim strukturama vlasti, na nesebičnoj podršci.



Izdaje: Općina Hadžići
Uređuje: Redakcijski kolegij